



UNIVERSITÄTS-
BIBLIOTHEK
PADERBORN

Ocvlvs, Hoc Est: Fvndamentvm Opticvm

Scheiner, Christoph

Freiburg i. B., 1621

Cap. II. Specierum visibilium luculenta sub aspectum deductio.

[urn:nbn:de:hbz:466:1-71258](#)

mina, verum etiam colorum omnium tam subtile expressiones, ut pictoris nullius industria eam assequi possit elegantiam. Quæ res quia materiam nostram vehementer illustrat, paulo accurius est explicanda, ut desiderijs æquissimis plurimorum satisfiat, & sententia nostra singulare inde stabilimentum accipiat.

DE SPECIEBUS VISIBILIBVS IN aspectum luculentissimè deducendis.

CAPUT II.

Si cubiculum, hypocaustū aliasc locus ita ocludatur, ut luci nullus, aut exiguus ingressus pateat, & paries aliquis illius loci perforetur foramic, cuius diameter sit latitudo, digiti parui, aut minor, pro arbitrio artificis & rei exigentia propter usus docebit; tūc per illud foramen ingreditur lux & una cum luce omnium rerum externarum ante illud foramen positarum genuinæ cum suis viuis coloribus species. quod ad oculū experieris, si chartam mundam, aut simile quid intra cōclauē positus foramini obtenderis, distantia debita, quæ sensu & experientia rectius inuenitur, quam rationibus præscribitur, continebitur tamen ea ordinarie intra duas vel tres sphithamas. Vbi tamen notanda sunt sequentia,

1. Omnes res in chartam allapsæ everso situ comparent, id est superæ inferæ, & dextræ sinistræ; & è conuerso.

2. Si charta in eadem distantia à foramine fixè teneatur, res extra positæ & inæqualiter distitæ non æque distincte cernuntur in charta: sed si distinctæ comparent remotissimæ, tunc viciniores confundantur; sin vicissimæ distinctæ videntur, tunc remotiores minus discernuntur; tam hæ autem quam illæ nebuloſè videntur, cum mediæ distinctæ cernuntur. Experientiæ certissime, cauſa multis valde obſcura & anceps, paucissimis explorata.

3. Res foramini vicinæ maiorem chartæ ab eodem remotionem, remotæ minorem exigunt, ut clarè cognoscantur. Experien-

perientia itidem indubitata, caussam latentem habet.

4. Vna & eadem res extra collocata, multiplicatur in chartam secundum foraminum multiplicationem, & si foramina fiant inter se satis vicina, concurrunt diuersarum specierum partes in eandem chartæ portionem. Sic ex vna domo pagum, ex uno homine exercitum repræsentare potes: eruntq; omnes domus, & omnes homines in papyro recepti sibi similes: quia ab vna domo, ab uno homine projiciuntur in chartam, imaginibus simillimis. Etiam huius rei ratio ignorata, multos in admirationem rapit.

5. Et hæc quidem omnia fiunt, etiam si Sol sub nubibus lateat, dummodo dies existat: nihilominus tamen cæteris paribus, res melius appetit in charta, die pleniore, quā debili, qualis esse solet mane aut vespere: & adhuc melius si obiectum à Sole illustretur, quam si non illuminetur.

6. Eadem res non spectatur in quavis à foramine immisionis distantia, sed ea certis est determinata limitibus, circa & ultra quos consilio speciei contingit; nam si nimium accedes cum charta ad foramen, perturbabitur species, & si nimium recedes, obscurabitur, tandemq; in umbram tenuem discedet.

Quantum autem accendendum sit, usus & experientia sensus melius indicat quam ratio speculatrix. Statio tamen illa media non consistit in indiuisibili, sed satis magnam latitudinem haberet, intra quam visio distincta accidit.

7. Obiecto externo & foramine immoto manente, species immissa neque locum neque situm mutat, ad distantiam eandem; siue charta moueatur siue non, siue Sol luceat siue non, siue ascendet, siue descendat.

8. Si obiectum, foramen & charta immota maneant, oculus inter foramen & speciem in papyro depictum constitutus rem in eodem chartæ loco videt, quoquoque ipse pergit, siue à charta ad foramen accedat, siue contra, siue ad dextram, siue ad sinistram se se constituat.

9. Idem fit si inter foramen & oculum charta collocetur: nam totam rem videbit oculus in papyro transparentem, & in eodem chartæ loco manentem, licet ipse locum mutet.

10. Eodem

10. Eadem, licet obscurius, omnia comparebunt, in superficie quacunque corporis cuiuscunque foraminis opposita: ut in muro, manu, veste, speculo, &c, licet in hoc difficillimè, quia lux reflexa præualet, &c.

Ethæc quidem ita se habent, si foramen solum absque vitro adhibetur: nam si vitrum conuexum etiam addatur, ita ut foraminis vel inseratur, vel cera alioùe vinculo proxime, siue intus seu foris obtendatur; ut lux & species externa per vitrum transeat; tunc eadem quæ haec tenus accident, sed res multo clarius & distinctius in chartam, & ab hac in oculum deducentur: ubi simul ista notanda sunt.

1. Vitræ conuexæ, sphæræ amplioris segmenta, maiorem charactæ à foramine remotionem exigunt, quam minoris.

2. Segmenta sphæræ maioris, magis ampliant obiectum in charta, minoris minus.

3. Vitræ maius foramen admittunt, quam fert natura absque Vitræ. Nam si foramen amplum sit absque vitris, nihil aut omnia confusa videbis: quod si eidem obdas vitrum, res exteræ pulchrè in chartam traiicies, &c.

4. Quo vitra clarioris sunt substantiae, & politiora, figurâq; sphæricam perfectius obtinent, hoc melius exhibent rem tralucētem. Quo amplius autem à superficie sphærica defecerint, hoc vitiosius rerum species in aspectum deducent,

5. Charta ita obtendi debet, ut radius per centrum vitri tralapsus perpendiculariter sit tam ad chartam, quam ad vitrum. alias obiectum claritatem & figuram imaginis in Charta depictæ vi- tiabit. Consultissimo igitur facies, si operam des ut superficies obiecti, lens vitrea & charta in planis parallelis erigantur, &c.

6. Vitrum concavum solum absque conuexo adhibitum, nihil prodest; sed si in debita post conuexum distantia introrsus addatur, ea proportione quam in tubo optico requirit, speciei depictionem non parum iuuat, in magnitudine saltē ut inserto in foramen tubo, vitris probè dispositis instructo, cuilibet experiti licebit.

7. Vitrum foraminis obdendum vel vtrinque, vel altera su-
R perficie

perficie conuexum esse potest, altera planum; & perinde est, quæ obiectum respiciat, quæ chartam.

Atque hæc quidem pro substantia atque manifestatione huius experimenti dicta sunt.

Quibus experientia certa stabili, quotidiana exploratissimis homini cuilibet, tempore quolibet; oriuntur nunc aliquot difficia dubia: quorum primum est: An hęc phasis verum quid & reale sit, An verò ijs quæ in re non sunt, sed tantum apparet esse, sit adscribenda.

Alterum, si reale quid est, quid sit? An species? An color? An mera lux? An ipsum obiectum?

Tertium: Quomodo hoc phænomenon fiat? quare tandem compareat in locis obscuris? cur apertis valuis etiam non cōspiciatur? &c.

Quartum: Quid ex hoc phænomeno addiscamus? quid ad oculum inde decerpamus? &c.

D V B I V M I.

VTRVM HOC SPECTACVLVM

intervana, an vera ostenta sit
referendum.

C A P V T III.

Veritatem ipsi inesse, sic probatur. 1. Id quod reale est, non dissipatur aduentu lucis: atqui hoc phænomenon aduentu lucis dissipatur, experientia teste; igitur non est reale. Major probatur, quia lux non est qualitas destructiva; deinde non habet contrarium positivum.

2. Si reale est hoc phænomenon, aut est obiectum, aut color, aut species, aut lux. Non 1. quia obiectum foris est; non secundum, quia color ab obiecto non migrat per aërem in chartam, neque etiam colorem producit, alias aër coloratus, & color qualitas sui productiva esset, quæ sunt inaudita: non 3. quia species

non